

daz man seite mere,
wie wunderlich er were.

Swer den mül wil frügen
von sinen hœhsten mügen,
sô nennt er é den œhein
dan vater oder friunde dehein.

Diu mûs hât böese hœchgezit, 65
die wile s' in der vallen lit.
Ez hât selten wisiu mûs
den fuhs geladen heim ze hûs.

Diu mûs ungerne zihet kint,
swâ si weiz, dâ katzen sint.

Man siht vil selten richez hûs 70
âne diep und âne mûs.

Die frosche tuont in selben
schaden,
wellent sie den storch ze hûse
laden;

die wisen kunnan wol verstân, 75
waz ich tôre gesprochen hân.

Die frosche kurn einen voget,
der si vil dicke nôtzoget;
durch ir ebenhère
gâben s' alle ir ère

dem storche, der si hiute hât
60 und der s' ouch niemer verlât.

Der krebz gât allez hinder sich
mit füezen vil, deist wunderlich.

Der esel und diu nahtgal
singt ungelichen schal.

Der pfawe diebes sliche hât,
tiuels stimme und engels wât.

Sich badet diu krâ in allem fliz
und wirt durch daz doch niemer
wiz.

Die gire fliegent gerne dar,
dâ si des âses werdent gewar.

Des valken dinc niht rehte stât,
swenn er ze fuoz nâch spise gât.

Diu fliege ist, wirt der sumer
heiz,

der kûenste vogel, den ich weiz.
Dem lewen wolte ich fride

geben,
liezen mich die floche leben.

Ein smerl ist bezzer uf dem
tisch

dan in dem wâge ein grôzer visch.

8. Von Rôme.

Alles schatzes flûzze gânt
ze Rôme, daz si dâ bestânt,
und doch niemer wirdet vol;
daz ist ein unsælic hol.

sô kumt ouch alliu sünde dar, 25
die nimt man dâ den liuten gar;
wâ si die behalten,
des muoz gelücke walten.

Romesch sent und sin gebot
deist pfaffen unde leien spot. 30
æhte, ban, gehørsame
die brichet man nâ âne schame.
got gebe ez uns ze heile,
benne sint wol veile;

swer ouch valscher eide gert, 35
der vint ir gnotiu pfennewert.

Wâ sint si nâ, der Rôme was?
in ir palasen wehset gras.

dâ nemen die fürsten bilde bi,
wie stæte ir lop nâch tôde si. 40

Rôme twanc é mit ir kraft
aller hêrren hêrschaft;

nû sint si schalken undertân,
daz hât got durch ir valsch getân.

Sant Pêter kam an eine stat,
dâ ein lamer almuosen bat.

nû merket, wie sant Pêter sprach,
dô er den siechen ligen sach:

'silbr und golt ist fremede mir,
daz ich hân, daz gibe ich dir.'

also gap er ime ze stunt:
er sprach 'stant uf und bis gesunt.'

gæbe noch ein bâbest sô,
des wær diu kristenheit al frô.

Dem bâbest anders niht enziunt,
wan daz er sünden buoze nimt;

er mac wol dem riuwære
senften sine swære.

alle ablæze ligent nider,
40 man gelte dann und gebe wider